

**UDRUŽENJE OBOLJELIH OD MORBUS CROHNA I
ULCEROZNOG COLITISA
HIMZARINA 6, SARAJEVO, 033 200 707, 061 243 511
I.D.4200207840002.PORESKE BR,01079884
ŽIRO RAČUN 3389002208459441, UNICREDIT BANK**

Datum: 19.05.2020.

VV-MEDCOM-19752

Saopćenje za medije

SVJETSKI DAN OBOLJELIH OD UPALNIH BOLESTI CRIJEVA U BIH U ZNAKU NEZAPOSLENOSTI I STRAHA OD KRIZE TOKOM I NAKON PANDEMIJE COVID- 19

U BiH je zbog pandemije korona virusa bez posla ostalo oko 30.000 radnika, a šta nas čeka u narednom periodu?

Govori se o djelatnostima koje su na udaru, o mjerama i projekcijama stanja, ali se ne govori o teško zapošljivim kategorijama, o oboljelima koji do zaposlenja teško dolaze i u mnogo boljim okolnostima.

Oboljeli od upalnih bolesti crijeva jedna su od tih kategorija. Zbog specifičnosti bolesti teško se zapošljavaju, a i ako se zaposle, nerijetko se suočavaju sa otkazima i prestankom radnog odnosa.

Ova vrsta oboljenja spada u autoimune bolesti zbog čega su oboljeli tokom trajanja pandemije COVID-19 u rizičnoj skupini, što dalje uzrokuje dodatne otežavajuće okolnosti za život sa upalnim bolestima crijeva.

Za upalne bolesti crijeva u koje spadaju Crohnova bolest i ulcerozni kolitis, postoje lijekovi koji bolest drže pod kontrolom, ali ne dovode do definitivnog izlječenja, tako da pacijenti često trebaju skupe tretmane liječenja tokom života. S nemogućnošću rada i privređivanja teško im je osigurati lijekove i liječenje koji im olakšavaju stanje i popravljaju kvalitet života.

Novija istraživanja u ovoj oblasti pokazuju da je učestalost pojave upalnih bolesti crijeva povećana tri puta, te je obolijevanje od ulceroznog kolitisa i Crohnove bolesti između 2000. i 2017. godine poraslo za 55%, odnosno 83%. Oboljeli često imaju manju sposobnost obavljanja posla, a procjenjuje se da 44% oboljelih tvrdi da su izgubili ili napustili posao zbog upalne bolesti crijeva.

U Bosni i Hercegovini sa ovom bolešću živi oko 1.600 osoba koje se zbog oboljenja suočavaju sa problemom nezaposlenosti. Uglavnom je riječ o mladim osobama koje su uskraćene za zaposlenje, samostalan život ili ekonomsku nezavisnost.

U BiH se ova oboljenja ne tretiraju kao invaliditet, iako po svim ocjenama zdravstvenih institucija osobe oboljele od upalnih bolesti crijeva spadaju u kategoriju lica sa invaliditetom.

Udruženje oboljelih od Morbus Crohna i ulceroznog colitisa Bosne i Hercegovine i ove godine obilježava 19. maj – Svjetski dan oboljelih od upalnih bolesti crijeva. Ove godine sve aktivnosti su prilagođene stanju uzrokovanom pandemijom korona virusa, a fokus je na temi problema zapošljavanja ove populacije, naročito tokom i nakon pandemije koja je uzrokovala brojne ekonomske probleme u BiH i svijetu.

Za više informacija kontaktirati:

Alma Hadžić,
predsjednica Udruženja oboljelih od Morbus Crohna i ulceroznog kolitisa u BiH

Tel: 061 243 511

e-mail: almahadzic3@hotmail.com